

Ահա այդ կանաչազարդ լեռնաշղթաներից մէկի փէշին, ընդարձակ մի տարածութեան վրայ փուլած է հայաբնակ Քրդերը, որն արևելեան կողմից զարգարած է ուռեղինների և բարգինների տնկարաններով, պտղատու ծառազարդ այգիներով. խմելու ջուրը քարիզի է: Տները ցեխաշէն են և մի յարկանի, փողոցները նեղ ու անկանոն, ուր ամեն տեղ կուտակած են անասունների աղբերը:

Հողը պատկանում է Վորադ-Միրզին. գիւղացիք հողագուրկ են. նրանք մշակում են օգայի հողերը, բայց սերմն ամբողջապէս տալիս է աղան և նա վերցնում է բերքի $\frac{2}{3}$ մասը, բացի այդ՝ 150 թուման էլ պետական հարկ են վճարում: Գիւղն ունի Ս. Յովհաննէս եկեղեցին, որ այժմ աւերակ է, իսկ դպրոցի կեանքը միշտ էլ եղել է խախուտ և երերուն:

Քրդերն առաջ եղել է բազմամարդ և ծաղկած մի գիւղ, բայց սիստեմատիք հարստահարութիւնները և աւազակային կազմակերպւած արշաւանքներն ու նրանց ալան-թալանը գիւղը տնտեսապէս քայքայել և ազգարնակչութեանը հասցրել է ծայրայեղ թշւառութեան: Նրա աշխարհագրական դիրքը, բարձր սարերն ապաստանատեղ է աւազակների, որոնք ամեն կերպ և ամեն ղէպբում կեղեքում, հարստահարում են խեղճ գիւղացիութեան: Թէ ինչպիսի հսկայ չափերի է հասած այստեղի գիւղացիութեան թշւառութիւնը, այդ մասին Քեզ որոշ գաղափար տալու համար բււական է միայն պատկերացնել Քրդերի աւերածութիւնը:

Այսպէս, 1918 թ. Բէգա-խան մեծ աւազակպետն իր գիւնւած ձիււոր խմբով ցած գալով սարից առնում է 300 թուման փող, ապա վեց օր յետոյ 100 թուման: Այնուհետև Յունւար Ե-ին, Ծննդեան օրը մտնելով գիւղ ամբողջապէս հարստահարում է և ենթարկւում անասելի կողոպուտի, այրում է եկեղեցին* ու դպրոցը և գրեթէ գիւղը քարուքանդ անում: Խեղճ գիւղացիները մատնւած ծայրայեղ թշւառու-

* Նախքան եկեղեցին այրելը, աւազակները բարձրանում են զմբէթի վրայ, գանգերը հնկեցնում և սկսում են ծափ տալ ու պարել: